

Broj: 01-1-1340/23

Datum: 10.10.2023. godine

ZAPISNIK SA 30. REDOVNE SJEDNICE UPRAVNOG ODBORA JU BIBLIOTEKA SARAJEVA

održane dana 9.10.2023.godine (ponedjeljak) u poslovnoj zgradi Biblioteke, u ulici Mis Irbina br.4, sa početkom rada u 16.00 sati

Sjednicu je otvorila i sjednicom predsjedavala Aida Čupović, predsjednica Upravnog odbora, konstatujući prisustvo sastava Upravnog odbora kako slijedi:

- Aida Čupović, predsjednica Upravnog odbora,
- Ivana Henda, članica Upravnog odbora,
- Midhad Kurtović, član Upravnog odbora ispred kolektiva,
- Goran Vrhunc, v.d. član Upravnog odbora,
- Irma Efendić, v.d. članica Upravnog odbora.

Sjednici također prisustvuje, i direktorica JU Biblioteka Sarajeva, Merima Lendo, kao i Edhem Kurtić, voditelj Službe za ekonomsko – finansijske i opće poslove.

Zapisnik vodi Azra Šabanić, tehnički sekretar.

Rješenjem o razrješenju vršioca dužnosti člana Upravnog odbora JU Biblioteka Sarajeva Vlade Kantona Sarajevo broj:02-04-39464-13.1/23 od 7.9.2023. godine, Fahira Kalajdžisalihović razrješava se dužnosti zbog isteka mandata.

Rješenjem Vlade Kantona Sarajevo broj: 02-04-39464-13.2/23 od 7.9.2023. godine, donesenim na 25. sjednici Vlade Kantona Sarajevo održanoj dana 7.9.2023. godine, imenovana je Irma Efendić za vršioca dužnosti člana Upravnog odbora JU „Biblioteka Sarajeva“, na period od tri (3) mjeseca.

Predloženi Dnevni red jednoglasno je usvojen i glasi:

1. Razmatranje i usvajanje Zapisnika sa 29.(5. elektronske) sjednice Upravnog odbora JU „Biblioteka Sarajeva“ održane dana 13.9.2023. godine;
Prilog: Zapisnik sa 29. sjednice Upravnog odbora;
2. Utvrđivanje zaključaka o realizovanim odlukama i aktivnostima sa 29. sjednice(5. elektronske);
3. Usvajanje Odluke o provođenju revizije bibliotečkog fonda u odjeljenju Njemačka čitaonica;
Prilog: Odluka o provođenju revizije bibliotečkog fonda u odjeljenju Njemačka čitaonica;
4. Usvajanje Rješenja o imenovanju Komisije za provođenje revizije bibliotečkog fonda u odjeljenju Njemačka čitaonica;

Prilog: Rješenje o imenovanju Komisije za provođenje revizije bibliotečkog fonda u odjeljenju Njemačka čitaonica;

5. Usvajanje Treće izmjene i dopune Plana javnih nabavki za 2023. godinu;
Prilog:- **Treća izmjena i dopuna Plana javnih nabavki za 2023. godinu**
Odluka o usvajanju izmjene i dopune Plana javnih nabavki za 2023. godinu;
6. Usvajanje Odluke o preinventarisanju bibliotečkih jedinica sa pozajmnih odjeljenja na odjeljenje Dječija kuća u svrhu formiranja legata „Jovan Divjak“;
Prilog: Spisak bibliotečkih jedinica za preinventarisanje;
7. Razno.

Ad. 1

Razmatranje i usvajanje Zapisnika sa 29. (5. elektronske) sjednice Upravnog odbora JU „Biblioteka Sarajeva“ održane dana 13.9.2023. godine, **usvojen sa četiri glasa za i jedan suzdržan.**

Ad.2

Utvrdjivanje zaključaka o realizovanim odlukama i aktivnostima sa 29.(5. elektronske) sjednice, **jednoglasno usvojeno.**

Ad.3

Odluka o provođenju revizije bibliotečkog fonda u odjeljenju Njemačka čitaonica, **jednoglasno usvojena.**

Ad.4

Četvrta tačka Dnevnog reda, Rješenje o imenovanju Komisije za provođenje revizije bibliotečkog fonda u odjeljenju Njemačka čitaonica, **jednoglasno usvojena.**

Ad.5

Kao izvjestilac po pitanju pete tačke Dnevnog reda, Edhem Kurtić, voditelj Službe za ekonomsko – finansijske i opće poslove, obrazlaže da je prva tačka u Planu javnih nabavki pod rednim brojem 19., vezana za usluge nabavke roba te da je i ranije bila planirana navedena nabavka, ali u međuvremenu je došlo do poskupljenja, pa je nakon istraživanja tržišta bilo evidentno povećanje za usluge opremanja rasvjetnom opremom u Centralnom odjeljenju u iznosu od 936,00KM bez PDV-a.Naredna nabavka vezuje se za realizaciju popunjavanja bibliotečkog fonda u odjeljenju Američki kutak(nabavka knjiga) i to je nova nabavka, a tačka 29. stalci za knjige, vezuje se za opremanje izložbenog prostora za legat „Jovan Divjak“.

Midhad Kurtović, član Upravnog odbora ispred kolektiva traži pojašnjenje o kojoj vrsti rasvjete se radi, u vezi sa 19. tačkom u Planu javnih nabavki, o integrisanoj rasvjeti (led rasvjeta), pojašnjava direktorica JU Biblioteka Sarajeva, Merima Lendo.

Peta tačka Dnevnog reda, **jednoglasno usvojena.**

Ad.6

Formiranje legata Jovana Divjaka, proizilazi iz odlične saradnje Biblioteke sa udruženjem koje predstavlja lik i djelo gospodina Divjaka (Obrazovanje gradi Bosnu i Hercegovinu Jovan Divjak). Nakon smrti generala Divjaka njegova cijela lična biblioteka donirana je JU Biblioteci Sarajeva i predstavlja dio ukupno fonda legata. Knjižna građa koja je primljena na poklon, a nalazila se na pozajmnim odjeljenjima Biblioteke, bit će povučena sa pozajmih odjeljenja, rashodovana i preinventarisana u svrhu formiranja legata, pa u vezi sa tim legat će biti smješten u prostorijama Centra za djecu i omladinu, gdje je smješteno odjeljenje, Dječija kuća.

Simbolika je i ta da se mural posvećen generalu nalazi na pomenutom Centru, pojašnjava direktorica JU Biblioteka Sarajeva, Merima Lendo.

Služba za nabavku i stručnu obradu bibliotečke građe formirala je spisak knjiga koje će biti povučene sa odjeljenja, a isti je prezentovan Upravnom odboru.

Irma Efendić, v.d. članica Upravnog odbora JU Biblioteka Sarajeva pozdravlja pomenutu ideju.

Šesta tačka Dnevnog reda jednoglasno usvojena.

Ad.7

Pod tačkom Razno direktorica JU Biblioteka Sarajeva Merima Lendo, informiše prisutne članove o novostima u proteklom periodu, a vezane su za poslovanje Biblioteke.

- Kao prva informacija vezuje se za poskupljenja zakupnina za pojedina odjeljenja Biblioteke, tačnije odjeljenja na Ilidži i Grbavici. Naime, Međunarodni centar za djecu i omladinu kao zakupodavac odjeljenja na Grbavici, u skladu sa svojim Pravilnikom o zakupu, povisio je cijenu mjesečnog najma za pomenuto odjeljenje, pa u skladu sa tim cijena najma na godišnjem nivou rezultira razlikom od 8.000,00 KM više u odnosu na predhodni period. Nakon sastanka sa direktoricom pomenutog centra, došli smo do pozitivnog ishoda, pa je zakupnina umanjena, na godišnjem nivou, i iznosi 3.000,00 KM više u odnosu na predhodni period.
- Realizovan je i službeni put u Bihać kao posjeta Univerzitetskoj biblioteci u Bihaću na čelu sa direktoricom JU Biblioteka Sarajeva Merimom Lendo. Biblioteku su posjetili i Voditeljica Službe za rad sa korisnicima bibliotečkih usluga Amela Đelilović-Malešević, kao i voditelj Službe za informacijsku djelatnost i digitalizaciju, Narcis Saračević.
- U proteklom periodu direktorica JU Biblioteka Sarajeva prisustvovala je sastanku sa predstavnicima Europa House, te je dogovoren memorandum o saradnji u vidu otvaranja novoga odjeljenja Biblioteke uz potpunu finansijsku pomoć od strane Europa House. Prostor koji će Biblioteka dobiti na korištenje, osim što je pomenuti potpuno besplatan, kompletno je adaptiran, smješten na veoma frekventnoj lokaciji, tačnije u zgradi Vječne vatre u Sarajevu. Rad odjeljenja bit će koncipiran na principu iznajmljivanja literature na svim jezicima Evropske unije.

- Renoviran je dio zgrade Uprave, a u skorije vrijeme bit će realizovano još radova.
- S obzirom da je javna licitacija za prodaju automobila u vlasništvu Biblioteka, nažalost, bila neuspješna, tačnije nije pristigla niti jedna prijava, kompletna procedura se mora ponoviti.
- U protekloj sedmici Biblioteka je imala zvaničnu posjetu od strane ministra, gospodina Kenana Magode, te je vođen jedan konstruktivan razgovor uz pohvale za uspješan dosadašnji rad, postignute rezultate, kao i sposobnost Ustanove u svakom pozitivnom smislu, upućeno prvenstveno direktorici Merimi Lendo.
- Oktobar je mjesec knjige, pa u vezi sa pomenutim, Biblioteka će učestvovati u raznim projektima, npr: Nacionalni dan o svjesnosti o bibliotekama, Medijska i informacijska pismenost.....

Zaključuje se sjednica u 16, 40 sati.

ZAKLJUČCI:

- Zapisnik sa 29. (5. elektronske) sjednice Upravnog odbora JU „Biblioteka Sarajeva“ održane dana 13.9.2023. godine, usvojen sa 4 glasa za i jedan suzdržan;
- Utvrđivanje zaključaka o realizovanim odlukama i aktivnostima sa 25. sjednice, jednoglasno usvojeno;
- Odluka o provođenju revizije bibliotečkog fonda u odjeljenju Njemačka čitaonica, jednoglasno usvojena.
- Rješenje o imenovanju Komisije za provođenje revizije bibliotečkog fonda u odjeljenju Njemačka čitaonica, jednoglasno usvojeno;
- Treća izmjena i dopuna Plana javnih nabavki uz obrazloženje Edhema Kurtića, voditelja Službe za ekonomsko – finansijske i opće poslove o tri tačke pomenutog Plana, riječ je o robama koje su neophodne u poslovanju Biblioteka i realizaciji započelih radova;
- Odluka o usvajanju izmjene i dopune Plana javnih nabavki za 2023. godinu, jednoglasno usvojena;
- Odluka o preinventarisanju bibliotečkih jedinica sa pozajmnih odjeljenja na odjeljenje Dječija kuća u svrhu formiranja legata „Jovan Divjak“, jednoglasno usvojena;
- Pod tačkom razno direktorica JU Biblioteka Sarajeva, Merima Lendo, upozna je članove Upravnog odbora o realizovanim aktivnostima u proteklom periodu:
- poskupljenja zakupnina za pojedina odjeljenja Biblioteka, ali uz uspješne poslovne sastanke sa zakupodavcima, postignut pozitivan ishod;
- realizovan je i službeni put u Bihać kao posjeta Univerzitetskoj biblioteci u Bihaću na čelu sa direktoricom JU Biblioteka Sarajeva Merimom Lendo. Biblioteku su posjetili i Voditeljica Službe za rad sa korisnicima bibliotečkih usluga Amela Đelilović-Malešević kao i voditelj Službe za informacijsku djelatnost i digitalizaciju, Narcis Saračević.

- U proteklom periodu direktorica JU Biblioteka Sarajeva prisustvovala je sastanku sa predstavnicima Europa House, te je dogovoren memorandum o saradnji u vidu otvaranja novoga odjeljenja Biblioteka uz potpunu finansijsku pomoć od strane Europa House.
- renoviran je dio zgrade Uprave, a u skorije vrijeme bit će realizovano još radova.
- U protekloj sedmici Biblioteka je imala zvaničnu posjetu od strane ministra, gospodina Kenana Magode, te je vođen jedan konstruktivan razgovor uz pohvale za uspješan dosadašnji rad, postignute rezultate kao i sposobnost Ustanove u svakom pozitivnom smislu, upućeno prvenstveno direktorici Merimi Lendo.

Zapisničar :

Azra Šabanić

Predsjednica Upravnog odbora



Aida Čupović, prof.